



**Ayuntamiento de A Coruña
Concello da Coruña**

Área / Unidad ASISTENCIA SOCIAL AS0000B MJCT	Documento 10516I184P	
Código de verificación  101Z 280E 0U5E 2X35 18P8	Expediente 105/2022/7947	
	Fecha 23-11-2022	

Asunto PROPOSTA CONVENIO	Interesado FUNDACION EMALCSA
-----------------------------	---------------------------------

CONVENIO DE COLABORACIÓN ENTRE O CONCELLO DA CORUÑA E A FUNDACIÓN EMALCSA PARA O DESENVOLVEMENTO E AVALIACIÓN DO PROGRAMA DE INTEGRACIÓN SOCIAL “A FLOTE”

INTERVEÑEN

Dunha parte, D^a. Eudoxia Neira Fernández, con DNI nº 32822893F, en nome e representación do Concello da Coruña, na súa calidade de Segunda Tenente de Alcaldesa e Concelleira responsable da Área de Igualdade, Benestar Social e Participación, da mesma entidade, con enderezo na Praza de María Pita nº1 da Coruña e NIF: P1503000J e por delegación de sinatura da Alcaldesa.

Doutra parte, D. Manuel Aguilar López, en nome e representación da FUNDACIÓN EMALCSA (en diante a FUNDACIÓN) domiciliada en María Pita, 1, 15001 A Coruña, con CIF nº G 70.323.688, constituída en escritura pública outorgada na Coruña, o 17 de febreiro de 2012, ante o notario José Guillermo Rodicio Rodicio, co número de protocolo 284. Exerce esta representación na súa calidade de Director Xerente, habilitado para o presente acto por acordo do Padroado do día 12 de decembro de 2022.

A FUNDACIÓN EMALCSA, e o CONCELLO denominaranse, así mesmo, colectivamente as “Partes” ou as “Entidades” e, individualmente, cando cumpra, unha “Parte” ou “Entidade”. As Partes recoñécense mutuamente capacidade legal para subscribir o presente convenio de colaboración (en diante, o “Convenio”) e, para ese efecto,

EXPOÑEN

- I. Que a FUNDACIÓN ten entre os seus obxectivos “*Diseñar, promover e realizar, de forma directa ou concertada, programas de integración social, prestacións sociais, promoción económica e fomento do emprego e todas aquelas actividades de colaboración e apoio ás funcións que o Concello da Coruña leve a cabo, ou teña previsto desenvolver no futuro, no marco da súa Política Social, de Asistencia social e Axuda Humanitaria, de Promoción e Desenvolvemento Económico e Empresarial, e de Emprego*” (art. 6.a de os Estatutos).

2/6



CLÁUSULAS

PRIMEIRA.- OBXECTO

O presente convenio ten como obxecto establecer o marco de colaboración entre as Partes para o desenvolvemento do proxecto A FLOTE a que se refiren os expositivos III, IV e V.

SEGUNDA.- COMPROMISOS DO CONCELLO

O CONCELLO realizará a selección dos beneficiarios das prestacións e axudas e a proposta de pagamento da prestación.

Cada proposta deberá vir acompañada do correspondente informe social co seguinte contido mínimo:

- a) Xustificación da situación de urxente necesidade.
- b) Xustificación da imposibilidade de atendela mediante outros recursos normalizados.
- c) Contía da axuda que se propón e o seu destino específico.
- d) Forma de pagamento: mediante transferencia á conta de titularidade do beneficiario, ou si trátase de pagamento subrogado a acredores ou administracións acompañará a correspondente documentación acreditativa.
- e) Medidas complementarias de inserción social propostas.

O CONCELLO achegará así mesmo a autorización do interesado para a cesión dos seus datos de carácter persoal e social á FUNDACIÓN, aos exclusivos efectos da xestión das prestacións a que se refire o presente convenio.

TERCEIRA.- COMPROMISOS DA FUNDACIÓN

A FUNDACIÓN asume os seguintes compromisos:

- a) Destinará nos seus orzamentos de 2023, como mínimo, a cantidade de 100.000 € ao pagamento das prestacións e axudas previstas no presente Convenio. Esta cantidade poderá ampliarse ata 233.000 €, condicionando dita ampliación á consecución de recursos para o seu financiamento.
- b) Aboará o importe das prestacións e axudas aos seus destinatarios no prazo de 15 días dende a súa recepción da proposta completa do CONCELLO nos termos da cláusula anterior.

- c) Colaborará co CONCELLO no seguimento do itinerario de inserción dos beneficiarios e realizará a avaliación final do programa, incluíndo as propostas a que se refire o expositivo IV.b.
- d) Conservará polo menos durante dous anos desde a extinción do presente convenio os documentos acreditativos do emprego dos fondos destinados a este programa

CUARTA.- COMISIÓN DE SEGUIMIENTO

Constituirase, no seu caso, unha Comisión de Seguimento paritaria mixta integrada polas persoas que cada Parte designe, coas seguintes funcións:

- a) Aprobar os modelos normalizados para realizar as propostas a que se refire a estipulación segunda precedente.
- b) Esclarecer as dúbidas e controversias que poidan xurdir na execución do presente Convenio.
- c) Concretar, cando fora necesario, as condicións de realización dos compromisos de cada Parte, así como as accións de difusión que se vaian a realizar no marco deste Convenio.
- d) Realizar un seguimento específico do logro parcial dos fins sociais e propoñer as medidas necesarias para o seu logro, incluíndo a modificación do presente Convenio si fose necesario.

QUINTA.- EXTINCIÓN

O presente convenio extinguirase polo cumprimento dos obxectivos do programa con satisfacción para as Partes ou por incorrer nalgunha das seguintes causas de resolución:

- a) O transcurso do prazo de vixencia do convenio.
- b) O mutuo acordo das Partes.
- c) O incumprimento das obrigas e compromisos asumidos polas Partes. Neste caso, e sen prexuízo de calquera outros dereitos que puidesen asistirlle, cada Entidade poderá requirir á Parte incumpridora o cumprimento das obrigas ou compromisos nun determinado prazo, entendéndose resolto o convenio por incumprimento transcorrido o prazo sen que fose atendido o requirimento. A resolución do convenio por esta causa poderá levar consigo a indemnización dos prexuízos causados.

SEXTA.- VIXENCIA

A vixencia e efectividade do Convenio estenderase desde o día da súa sinatura e durante un período de catro anos.

OITAVA- INTERPRETACIÓN DO CONVENIO

No caso de que xurdan discrepancias sobre a execución e interpretación do presente Convenio, antes de someter as mesmas á vía xudicial, tratarán de resolvelas amigablemente no marco da Comisión de Seguimento.

NOVENA .-CONSIDERACIÓNS XERAIS

1. Independencia das Partes

As Partes expresamente conveñen que o presente Convenio non implica nin supón ningunha asociación ou dependencia entre elas, polo que serán absolutamente independentes e autónomas.

2. O feito de que unha das Partes deixe nunha ou máis ocasións, de exercer calquera dereito ou acción que lle asista, non poderá interpretarse como renuncia ao dereito de dita Parte a proceder a devandito exercicio en calquera momento posterior.

3. Acordo completo

O presente Convenio constitúe o único acordo existente entre as Partes con esta mesma finalidade, e substitúe a calquera convenios previo, sexa verbal ou escrito.

4. Modificación do presente Convenio

Calquera modificación ou variación dos termos do presente Convenio requirirá o consentimento expreso e por escrito das Entidades.

5. Réxime xurídico

En atención á natureza das prestacións das partes contempladas no presente Convenio, este ampárase e fundamenta o disposto no artigo 6.2 da Lei de Contratos do Sector Público, quedando en consecuencia excluído do ámbito da citada lexislación.

Os comparecentes, na representación coa que respectivamente comparecen, dan a súa conformidade ao presente convenio, asinando en proba da mesma no lugar e data expresados no encabezamento.

Polo Concello da Coruña,

Pola Fundación Emalcsa,

15922727B Firmado digitalmente
MANUEL LUIS por 15922727B
AGUILAR (R: MANUEL LUIS AGUILAR
G70323688) (R: G70323688)
Fecha: 2023.01.03
11:19:42 +01'00'

Fdo: Eudoxia María Neira Fernández

Fdo: Manuel Aguilar López